

WIE FLÜGE

ha mini grossi liebi troffe ir letschte nacht
i has grad gwüsst wo se ha gseh
esones gfuehl hani no nie i mim läbe gha

mir si zu ire u hei stundelang liebi gmacht
u i ha gwüsst sisch um mi gscheh
aber bi ire hani nid chöne widerstah

**das chame chum beschribe
sisch es gfuehl wie flüge
ohni dasme abegheit
i lami eifach tribe
flüge furt u blibe hie
jedi brüehrig gspüre
si fliesst dür mi düre
o wes niemer süsch versteit
i blibe geng bi ire
bis das d sunne ufe geit**

i bi erwachet hüt am morge u hami gfragt
wiso bini bi mir deheim,
warum isch z chüssi näbe mir eso läär wi geng

i ha se gfunde u verloore i eire nacht
isch z läbe würklech so gemein
wirde se finde
i weis nume no nid wo oder wenn.

**vilech erläbi ja die nacht e neue teil
u bi der held i mim roman
i dere story wo ke schluss u ke ahfang het**